

籌辦夷務始末

專辦夷務始末卷之六十五

咸豐十年庚申九月辛卯

盛京將軍玉明奉天府府尹景霖奏竊竒玉明前奉寄

諭夷人以議和為名由津到通節節進逼狂悖殊甚撫局已形決

裂金州續到夷船如敢登岸肆擾即著相機堵剿等因欽此竒

景霖遵即會同督飭濱海旗民團練一體嚴防旋准金州

副都統咨據旗民地方官詳報金州大孤山大魚溝一帶

前泊火輪夷船二十隻於本月初旬將岸上帳房收撤回

船至十三四等日陸續向西南洋駛去十二隻現在大孤

山一處尚有夷船八隻其熊岳之兔兒島蓋州之西套海

口。前此游奕之船。均已全行駛去等情。先後馳報前來。至南路濱海各城團練。屢經等督催勸辦。現已一律舉行。州縣地方較大者。城鄉練勇不下二三萬人。其次一萬四五千名。至少亦七八千名。無論旗堡民屯。聲勢尚能聯絡。器械亦俱整齊。自固藩籬。可期得力。等語。方幸夷船漸退。濱海人心稍定。忽於八月十九日。准錦州副都統咨稱。接署山海關副都統寶山文開。承准軍機大臣字寄。八月初九日奉

上諭。現在夷氛逼近京城。朕於本月初八日。巡幸木蘭。所有前調吉林黑龍江兵丁。如已行至山海關。即著寶山飭令折赴熱河。

設駕等因。欽此。努等接閱之下。驚疑懸憊。憂憤交蒙。伏思
聖駕巡幸木蘭。自係暫示權宜之計。惟

畿輔逆詖。張關外風鶴傳警。又聞

乘其北狩。人心震駭。西北毗連邊界。盜賊將次竊發。

盛京為根本重地。

陵寢

宮殿所在。關繫匪輕。現在存城之兵。僅贖千餘。努等防所。顧
此失彼。省中將軍府尹二署。並戶刑兩部。現止侍郎倭仁
一人兼理。努等三人三處。遇事不第函商不及。且省中亦
有空虛之慮。努等身任封疆。受

愚深重。當此萬分危急之時。未便株守一隅。致滋貽誤。查秋後金州夾船。忽去忽來。今於大孤山仍留八隻。無非牽制兵力。使我設防糜餉。疲於奔命。以遂其奸狡之謀。今方首集

畿甸。不暇竄擾濱海。奉省口岸。似可暫安。惟西北各城。盜賊潛起。亟宜勦捕。先清內患。李等再四籌商。現在濱海各城。旗民團練。均已舉行。應即飭交各該地方官督同紳董。仍加訓練。實力操防。藉資捍衛。田莊臺兩岸三營防堵弁兵。現在營口雖無夷警。仍應暫留駐守。瞬息北風司令。內河封凍。船隻不能駛進。擬俟霜降後。再行撤回。以節經費。其金州熊岳青石嶺等處。在防馬步官兵。仍飭各該統領。督

率鎮靜嚴防。嗣後察看情形。隨時酌量裁撤。來此夷船暫
退。等語。應即回省。會同倭仁。統籌全局。移緩就急。相機調
度。惟期衆志成城。攘外安內。保衛

陪京。以重根本。

硃批。知道了。已有旨。令汝帶兵遠赴承德。諒已接奉矣。

壬辰。

諭軍機大臣等。前因夷人占踞圍庭。諭令恭親王奕訢等在昌平
一帶駐紮。辦理撫局。昨接二十六日奏報。知恭親王等尚在長
新店居住。聽候恆祺辦撫之信。連日如何情形。務即迅速具奏。
現在夷人已退至黑寺。自圓明園一帶。以至黑龍潭。太子府。沙

河。清河等處。地方土匪。仍復肆擾。以致文報阻隔。行旅不通。若不及早懲辦。誠恐聚集日多。釀成大患。勦捕愈形棘手。綿勳派撥之兵一千名。未知曾否到圍。亦須有大員統帶。方能得力。本日已改派文祥署理圓明園八旗包衣三旗印鑰。其綿勳派撥之兵。歸文祥調遣。著即調集各旗及巡捕營官兵。飭令將各處土匪。嚴行捕拿。立即正法。以靖地方。而通道路。長新店距城較遠。於辦撫事宜。往來不便。文祥若仍在該處。亦覺鞭長莫及。著恭親王等。於京城西北附近地方。擇地駐紮。文祥便可兼顧圍庭。仍隨恭親王辦理一切。正在寄諭間。接據勝保奏。因和嶮戰情形一摺。據稱各起官兵。二三日內。皆可到齊。惟遠道赴援。不

無疲憊。自應量予休息。始可即戎。無如守城諸臣。汲汲議撫。方且定期開城。為休兵息民之策。再四思維。惟有齊集援兵。靜以觀變。如該夷謹守條約。相安無擾。亦不敢自生外釁。如竟顯然反覆。或屯兵不撤。自當相機而動。等語。該逆於城北一帶。修築礮臺。並至城根測量遠近。狡譎情形。實堪髮指。慶惠等自應嚴密防守。聽候恭親王等辦理。若開門揖盜。害不勝言。已諭令慶惠等。激勵衆心。堅守以待。并將候補侍郎勝保。授為欽差大臣。總統各省赴援諸兵。整軍備勦。此時事機緊迫。著恭親王等。迅即飭令恆祺。往見該夷。仍遵前約。不另生枝節。即可畫押換約。以敦和好。倘有心反覆。再事要求。即知照勝保督兵進勦。惟必

須厚集兵力。一戰成功。方為計出萬全。即由恭親王等斟酌辦理可也。

戶部右侍郎寶璽奏。八月初八日。

皇上鑒興起程後。總管內務府大臣文豐明善。遵

旨照料。

圓明園。等當即進城。等畫撤解。

行在餉需。辦理防守等事。詎意八月二十一日。夷匪逼近。

京城。九門戒嚴。等隨同總統巡守大臣等。晝夜在城防護。二

十二日夜間。遙見西北火光燭天。等不勝驚駭。惟時當深

夜。恐其乘勢攻城。不敢開門往探。至二十二日酉刻。夷匪

聞入

圓明園。等聞信之下。曷勝憤恨。旋於二十五日。夷匪由園退回。當即委派司員前往探聽。隨據稟稱。

園內殿座。焚燒數處。

常權業經因驚溢逝。總管內務府大臣文豐。投入福海殉難。等語。至總管內務府大臣明善。及管理

園庭司員等。均尚不知下落。現仍派員查訪。

硃批。知道了。

寶鑿又奏。查現在總管內務府大臣。在京僅萃一人。而圓明園夷匪既已退回。

園內一切皆須清理。等一人實難兼顧。惟有懇乞

皇上簡放一二員分任其事。以照料一切。

硃批。現在明善已由行在回園矣。所請毋庸議。汝係內務府大臣。非他人可比。即使不能在園料理。出城一往。有何不可。乃竟置之不顧。尚有人心耶。

光祿寺卿勝保奏。竊等疊次奏

旨。所有陝省馬步官兵。著歸等督率調遣。又由恭親王奕訢先後咨交直隸山東兩省官兵。共三千數百名。統歸等軍營。俱經等恭摺奏

聞在案。查各起官兵。於二十三。二十五等日。先後來到直隸。可聞

協標陝甘固原提標等兵八百名。其各起大隊。李遵

旨飛提。已據陸續報到。大約二三日內。皆可到齊。李於各將官來

謁之時。勉以忠孝大義。反覆開導。俾知急難勤王。非尋常

出師可比。務當振刷精神。講求戰法。以冀一戰成功。仰紓

宵旰之深憂。稍贖臣子之重疚。該將官等聆李言論。似尚能感發

奮興。力圖報效。惟數千里赴援。兵力無不疲憊。其所調皖

豫各省勇練。尚無確信。自須量予休息。始可即戎。無如守

城諸臣。汲汲以議撫為事。方且定期開城。為休兵息民之

策。李雖責在勦賊。亦未便一意孤行。孟浪決戰。然竊以為

逆夷數月以來。滋擾我閭閻。震驚我

禁聞。違由我重器。焚掠我

園庭。為臣民不共戴天之讐。千古非常之變。輕我太甚。其志愈驕。此時倡言攻城。稱兵挾制。勢裂皆出血。恨不食其肉而寢其皮。恭親王迫於無可如何。徒深焦憤。而城內議撫諸臣。信其詭謀。無求不應。自謂兵微力弱。恐兵端一啟。收拾為難。夫以各門城上大小礮位數千。守兵數萬。城池如此其高深。如此其堅固。而城外又有援兵。非竟全然無備。自矜思之。戰而勝。固可雪耻復讐。戰而不勝。和亦未晚。現在惟恐稍拂其志。惟命是從。夫春秋書城下之盟。當時猶為深恥。况闔門揖盜。以堂堂天府。拱手讓入乎。即進城無

事。而如其所約。分守一門。留兵三載。包藏禍心。
六飛果於何日回鑾。萬一路守城門。反兵相向。將置

宗

社臣民於何地。此等夙夜籌思無一而可者也。此時守城大臣惟
慶惠國防大臣惟周祖培。堅欲開城。牢不可破。該逆膽敢
於地壇一帶。修築礮臺。熟視其於咫尺之間。擔吞取土。而
莫敢誰何。等非其事權。雖辯說萬端。竟不能挽已成之局。
再四思維。惟有齊集援兵。獨新壁壘。靜以觀變。如該夷能
謹守條約。相安無擾。等亦不敢自生外釁。如竟顯然反覆。
或屯兵不撤。意存久踞。等自當相機而動。等前在八里橋

接仗所帶無得力之軍。且任事不久。猶與賊鏖戰多時。若非臨陣中傷。幾成大捷。然據逃出民人。衆口僉稱是日之役。賊死千餘。載屍九船回津。為衆目所共睹。况此時兵力。厚於昔日。加以自為訓練。以之滅賊。或未能。以之勝賊。則可必。此後惟求

聖明作主。一其事權。示以方畧。不致有扞格掣肘之虞。俾等可以自盡其材。自伸其志。庶冀削平禍亂。奠安畿疆。以仰酬高厚於萬一。

勝保又奏。再等現在軍營。撥兵漸集。事務較多。必須襄助有人。方免貽誤。查有太常寺少卿崇恩。前在山東巡撫任

內隨同岑辦理軍務。現經守城王大臣。派守內城阜成門
角樓。該處偏在西南。不甚喫緊。且西南城守大員尚多。相
應請

旨飭下崇恩赴岑軍營。隨同辦理一切。又已革副都統伊興額。久
歷戎行。勇於從事。現在革職回京。聞其病已痊愈。可否

准令岑調赴軍營差委。岑當酌度情形。派令管帶官兵。庶該革員
可以及時自效。而岑亦收臂指之助。

諭軍機大臣等。本日據勝保奏。齊集援兵。靜以觀變一摺。足徵該
大臣忠勇性成。赤心報國。著即授為欽差大臣。并開缺以侍郎
候補。總統各省援兵。相機勦辦。即由勝保知照禮部。頒給關防。

現在直隸陝甘等兵。僅到八百名。其各起大隊。二三日內。始能到齊。遠道赴援。必須休息。已諭令慶惠等堅守以待。并諭恭親王等。迅辦撫局。儻該夷猖獗。萬不能成。即行知照勝保督兵進剿。該大臣自應靜候辦理。惟事機緊急。必須量敵而進。計出萬全。一戰成功。始慰朕望。儻兵力未厚。不可輕於一試。所謂川楚各勇。均已飛催。尚未據報起程。惟都興阿。自請帶馬隊四百名前來。朕已允准。本日據英桂奏。與總兵慶德。先後帶兵勇三千。剋日起程。文燦亦撥海豐防勇一千。曹勇三千前來。其各省未到援兵。毋庸歸僧格林沁。瑞麟大營。均著交勝保調遣。太常寺少卿崇恩著隨同該大臣辦理軍務。已革副都統伊興額著准

其調赴軍營差委。以資得力。

又

諭。昨因慶惠等奏。釋放夷酋。保全大局。業經諭令該王大臣等。悉心守禦。毋得稍有疏虞。其一切換約事宜。聽候恭親王等擇地辦理。此旨諒已接到。本日據勝保奏稱。該夷倡言攻城。稱兵挾制。守城諸臣。汲汲以議撫為事。意欲訂期開城。為休兵息民之策等語。近日夷務辦理情形。尚未接恭親王等奏報。已諭令迅飭恆祺。前往面議。并給與照會。如該夷能遵前約。即可畫押蓋印。定期換約。該王大臣等。守城是其專責。惟當竭力嚴防。堅守以待。聽候恭親王等辦理。不可先自擾亂。致懈軍心。瑞常等業

於二十日寄諭內准其接辦巡防事宜矣。

山東巡撫文煜奏竊臣接奉

欽差大臣恭親王劉知奉

旨調派各軍有未經起程者。惟趨前進外。如尚有精銳之師。可以
派撥。無論馬步官兵。鄉團義勇。立即派委得力之官紳。裹
帶餼糧。星馳來京。聽候各統兵大臣調遣等因。查東省各
鎮標綠營官兵。屢經徵調。所存無多。防匪防夷。在在均關
緊要。省垣重地。僅有兵數百名。防緝匪徒。猶不敷用。此外
別無精銳可調。惟有前次奏明駐紮海豐縣大山之募勇
一千名。該處防務稍安。尚可移緩就急。當即飛飭原派統

帶官武定營遊擊緒承。候補知縣張繼武。並添派撫標左營候補千總信長貴。把總石魁升。隨同管帶。又發給該官勇等一月口糧。備帶器械。飭令即日起程。由海豐鹽山一路。迅赴京城。聽候各統兵大臣調遣。再准大學士瑞麟咨會。飭派山東紳練趙康侯。李錫魯。帶領團勇。來京攻勦。當即飛咨督辦團練大臣杜翻。轉飭去後。茲准咨稱。已飭趙康侯。李錫魯。帶領壯勇三千名。馳赴京城。截擊夷匪。與各官兵為前後夾攻之計。合併聲明。

硃批。知道了。總理行營王大臣知道。

河南巡撫慶廉奏。竊查暎夷頻年以來。沿海滋擾。罪惡貫

盈○今年夏間○竟敢連檣北駛○窺踞天津○屢梗撫議○近以我
兵失利○逆倭已張○薄海臣民○無不同聲憤恨○臣以滿洲世
僕○身受

國恩○亟思親集援兵○星馳北上○會合諸軍○與該逆決一死戰○
滅此朝食○而職司守土○責有攸歸○現當豫省防勦喫緊之
際○臣若遽然遠離○則兵無統率○人心不免驚惶○且歸德為
北路門戶○切近賊巢○萬一捨逆偵知虛實○揭竿而進○齊向
北趨○其患何可勝言○臣旦夕籌思○焦憤實難言喻○連日道
路傳聞○人言嘖嘖○僉謂

聖駕巡幸熱河○臣愚以為或係左右浮動之言○必不能搖惑

宸聽。而在廷諸臣。苦口力陳者。亦未能仰體
聖心。我

朝秋猶盛典。向有

駐蹕熱河舊章。

皇上法

祖勤民。將以懷柔外藩。陳耀武事。藉示綏邊之遠圖。然而緩急之
勢既殊。舉動之間宜慎。伏查嘉慶十八年林清之變。

仁宗睿皇帝方幸木蘭。聞警即時返蹕。良以

神京為根本重地。

聖躬繫天下安危。人心一定。逆膽即寒。現當夷務萬緊之時。勒辦

尚未得手。臣知

皇上憂勤宵旰。必欲尅日回鑾。以安

列聖付託之心。以慰中外臣民之望。而臣有管見所及者。事迫心切。亦不能不披瀝肝膽。為我

皇上密切陳之。

一嘆逆不足慮。勦撫可以並行也。該逆遠涉重洋。往返年計。所倚恃者船隻。所利便者火器。所蓄意者通商。所貪得者財貨。若陸地戰陣。勢不能抗我雄師。故頻年駛擾以來。總不敢離海深入。此時逆踪難擾及通州。然軍無後繼。已成孤注。該逆亦必料援兵四集。腹背受創。萬不敢久於屯

路且逆夷槍礮利於遠攻不利步戰。若我挑選孫疾便利兵勇俯身撲進所向披靡必可得手。兼之瞬交冬令北海風高沙硬逆舶必圖回駛便可乘其撤動併力痛勦。即或死踞津門為負隅之計而調將徵兵援師雲集環而攻之賊必望風膽落恪遵撫議矣。

一人心宜固結號召方能響應也。

京師為根本重地。現時雖已戒嚴而城內旗綠各營滿漢官兵不下十餘萬。足資固守。城外馬步兵勇尚有數萬。足資堵勦。惟冀

宸衷果毅。達變通權。刻日

駕旋奮揚武畧。俾統兵將帥得以親秉

廟謨。益更樂於用命。而各路赴援之兵。咸思瞻仰

天顏。爭先拱衛。軍威益壯。衆志益堅。賊當不戰自潰矣。

一後患當防。審度不可不慎也。熱河地處偏隅。雖

宮室殿廷。尚稱華備。本非財富之區。復少庫藏之積。而扈從

禁旅。以及度支公用。所需數十萬金。必須由京籌備。源源運

解。其可通往來者。惟張家獨石。古北。三口。非山路崎嶇。即

曠野草地。設或匪徒乘間竊起。三邊隘口。稍有梗阻。則枝

節叢生。不堪設想。如謂西路山陝。均為歷代創建之地。亦

可

臨馭控制。但規模置造。固非歲月所能竣。而值此經費支絀之時。與其為此緩圖。不若先其所急。籌供軍實。俾士飽馬騰。以收實效。而況

神京天府。為形勝之區。

列聖相承。貽留寶守。亦萬不可輕議更張也。安危之機。在於呼吸。惟有籲請

皇上。早日旋蹕。嚴密籌防。大彰撻伐。以安

宗

社。以定民心。

殊批。兵雖衆。為夷礮所懾。夷雖無大志。而撫總無成。為暫避集師

之舉。非播越罔顧之圖。現在之猖狂。汝尚不知。行當有聞而髮指也。

慶廉又奏。臣前奉

諭旨。飭令副將黃得魁。游擊趙喜義。帶領新募募勇。並川楚勇數千名。迅速赴京。歸勝保調遣等因。欽奉之餘。即時飭令該副將等。趕緊挑選。先經飛飭省局司道。籌備軍裝口糧等項。現在北路軍情。萬分緊急。必須趕集援師。以資攻剿。臣連日督同黃得魁。趙喜義。於新募南陽各勇。並川楚等勇內。認真挑選。年力精壯。武藝嫻習者三千人。分別派委隊哨各官。以資管帶。連夜由營趕造旗幟。號衣等件。均各鮮

明齊整。臣復親加訓練。以大義訓以紀律。務須日夜懋行。以速赴援。不准稍有延誤。

硃批。知道了。

山西巡撫英桂奏。竊臣疊接探報。各夷占踞天津之後。由通州直逼

京師。我兵失利。五中焦憤。寢饋難安。茲於八月二十三日。准欽差大臣恭親王劄付。知本月初八日。

聖駕北巡。撫勤事務。仍

命僧格林沁等。催調各路援兵。相機籌辦。該夷稱兵犯順。肆其猖狂。凡在臣工。莫不痛心疾首。亟欲減此朝食。自當厚集兵

力共輔

神京。惟晉省太原鎮屬各營。多與河南連界。皖捻久圖窺伺。現又紛紛出巢。必須預籌防堵。未便輕調。且正值陝兵過境。民間車馬。亦不敷周轉。祇有大同鎮協各營。地處邊陲。距京較近。鎮臣慶德勇敢素著。久歷戎行。現在事機緊急。擬先派令該鎮帶領本標官兵二千名。兼程赴京。隨同攻勦。以壯聲勢。第念前調大同鎮兵。已至三千。今又續調二千名。未免益形單薄。無可再撥。必須另募民勇。協同助勦。以期得力。而晉民率多柔懦。兵尚恇怯。民更可知。風聞湖南鄉勇。頗有膽畧。經兩湖督臣官文。湖北撫臣胡林翼。募

往湖北訓練。無不技藝精熟。屢著戰功。臣已飛咨該省督撫。即在武昌省城。挑選楚勇二千名。派委得力將弁。星夜管帶來晉。並委員馳往迎提。一俟到齊。由臣親帶赴京。相機勦辦。以為大兵之助。抑臣更有陳者。

巡幸之地。

賞資在所必需。部庫支絀異常。恐難應手。臣不敢拘泥常例。當飭藩司。在於庫儲工雜各款內。先行籌動銀五萬兩。派委委員。於二十八日起程。由大同府入直隸宣化府一帶。徑赴行在戶部交納。稍資接濟。

硃批覽奏一切俱悉。總理行營王大臣知道。

英桂又奏。正在拜摺間。承准軍機大臣字寄。八月十八日奉

上諭。喫啡兩夷。奪我大沽礮臺。占路天津等因。欽此。臣查大同鎮兵。先後已調五千名。太原鎮屬各營。多與河南連界。均未便調。省城地方緊要。設兵無多。本亦難以輕動。惟此外無可調撥。不得不移緩就急。在於省標三營內。挑選一千名。兵既派定。馬匹在所必需。前調太原滿洲營兵二百名。因額馬不敷騎坐。暫由綠營添撥赴通。即大同鎮兵。亦因出征者多。營馬不敷差操。經臣飭司籌撥。發交鎮臣慶德。派弁出口購買。甫於八月中旬。買齊五百匹。應以三百匹歸

該鎮分撥以二百匹調省應用。帶兵官惟平陽營參將珠爾杭阿。著太原營參將覺羅恩瑞。著助馬路參將賈占象。署忻州營都司李暉等。曾經帶兵防堵。尚稱得力。臣已分別咨調。一俟到齊。星夜赴京。由直隸一路進發。目下兵力尚單。臣在河南時。素知該省民勇強壯。候補知府王榮烈。現任汝陽縣知縣。廖慶謀。皆勇敢素著。帶勇勦匪。所向有功。合無仰懇

天恩。

敕下河南巡撫。即派王榮烈。廖慶謀。各募壯勇一千名。配齊軍裝器械。並派前河南開歸陳許道調任直隸永定河道徐繼

鑄作為統帶。交臣差遣委用。以資得力。

諭軍機大臣等。本日英桂奏酌調各路官兵親帶赴京。並請飭山東河南得力將領帶兵前來等語。據稱現於省標挑選官兵一千名。大同鎮兵二千名。分撥馬匹。咨調將領一俟到齊。星夜親帶赴京。並咨大同鎮總兵慶德先帶本標官兵前來。現已派勝保為欽差大臣。到京時著即隨同勦辦。河南練勇素稱強壯。前已有旨諭令慶廉挑選精健數千名。令副將黃得魁游擊趙喜義管帶前來助勦。至所請候補知府王榮烈。今據慶廉奏稱該府帶勇受傷。尚無下落。汝陽縣知縣廖慶謀。因索摘頂承惠某經陣亡。均毋庸議。現在山東防堵正在喫緊。德楞額前請帶兵

親來。已有旨令其暫緩來京矣。

癸巳。署山海關副都統寶山奏。接准軍機大臣字寄。八月二十六日奉

上諭。前據寶山奏。吉林頭起官兵。業已抵關等因。欽此。遵

旨。委員迎提前進。已於八月二十八日。頭起官兵西丹獵戶二百六十七員名。業經點驗進關前進。乃於八月二十九日。接准直隸軍需總局咨稱。此項官兵。由直隸各縣取道出喜峯口。直至熱河。以期便捷等因。等隨即飛飭各起營總務。各晝夜兼程前進。徑赴熱河。萬不准片刻停留。惟查鎮城內外守禦。先經前副都統成保。布置俱屬周備。茲奉

諭令李履密布置守禦。李督同協領等官十五員。兵八百五十餘名。餘丁團丁三百名。團勇二百名。分布進城防守。其東羅城。責成山永協副將伊克經額帶領都守二員。兵四百六十名。團勇二百名防守。西羅城責成吉林營總阿克東阿。達春帶領官兵五百名。臨榆縣知縣恩春帶領團勇四百名。會合防守。孤懸南翼城險要地方。責成滿營協領順齡帶領官四員。兵二百名。吉林營總祥昌常奎帶領官兵五百名。會合防守。李仍於各營防兵內。揀選精壯者六百名。無論內外有警。隨時隨地調遣。總期聲氣相通。互相接應。救援。以期有備無患。

硃批。知道了。

甲午。

欽差大臣恭親王。大學士桂良。戶部左侍郎文祥奏。臣等於本月二十六日未刻。將逆夷竄赴

園廷。焚掠滋擾情形。由六百里加緊馳奏在案。是日酉刻。噶
佛照會。該夷定於二十九日。帶兵把守安定門。如有官兵
阻撓。立將京城攻開。先於今日築起礮臺。以備不允之用。
並函致恆祺云。即將前次擊獲該國之人。即日送回。以免
攻破京城等語。查夷人逼擾

畿輔。焚掠

圍庭。先投情形。已深切齒。茲按照會。如不開城。即帶兵把守。一門。開礮攻城。且此次照會。係英佛兩國帶兵之孟姓克。姓出名。並非出自囉噶兩酋。尤為驕傲。其先悖之狀。至於此極。撫局一事。勢難辦理。刻下夷情愈急。援兵未齊。勦撫均難措手。焦灼萬分。臣等公同商酌。惟有姑給照覆。再為羈縻。稍寬時日。一俟各省官兵到來。兵力稍厚。設法攻勦。以圖殲滅。惟統兵大員。事權宜專。庶不致各存意見。亦不致互相推諉。現在僧格林沁。瑞麟各帶一軍。勝保亦奉旨帶領官兵。又為一軍。事權不一。軍無統帥。是以兵心散慢。軍無闡志。非專派大員。不足以資統率。而振軍威。僧格林沁。瑞

虜於屢次挫敗之餘其氣已餒所帶之兵大半潰散斷難望其復振勝保心殷報

國勇敢有為尚能嚴明紀律鼓舞軍心惟又職分較小可否仰懇

天恩簡派聲威素著之大員統帶諸軍派勝保為幫辦大臣如聖心無可派之員或即

派勝保為統兵大臣伏乞

聖裁至逆夷心懷叵測

京城已屬危急萬分北路空虛誠恐該夷探窺

來與所在關緊匪輒古北口為熱河要路必須重兵扼守僧格林

悉熟悉該處情形可否

飭令馳赴古北口督兵設防以資護衛伏候

訓示

恭親王等又奏於八月二十七日接奉

硃批知道了覽吧噶各酋往返信字具見逆夷暫戢桀驁無非為

此羈囚執意進兵不必相顧等語尤覺情見乎詞先行縱歸必

另生詭計著俟撫局已成不致別生枝節即加緊馳奏等因欽

此又於八月二十八日接准軍機大臣密寄八月二十六

日欽奉

上諭一道跪誦之下仰見

訓示周詳。莫名欽服。伏思夷情猖獗。無局本難辦理。臣等在圍並
無一兵護衛。雖有步軍統領中營官兵。分派各處堆撥。差
站。又復派出偵探。所餘無幾。以之稽查地面。尚屬不敷。僅
賴僧格林沁。瑞麟兩營。均在德勝安定門之間。臣等尚可
在圍坐鎮。乃二十二日之變。僧格林沁。瑞麟兩營。紛紛潰
退。及至臣等移至萬壽寺。該兩營已節節往南。退至彰儀
右安兩門一帶。是以由萬壽寺移至蘆溝橋。以冀截留。續
到各省兵勇。是大軍均在西南。賊隊均在東西北三面。自
八里橋以至

圍庭。連營絡繹不絕。若前赴昌平州。而道路阻隔。不特與諸

營均相隔斷。且與城中王大臣聲氣亦不相通。祇得於蘆溝橋暫行駐紮。庶可就近商辦。至臣等日前竭力籌維。原冀該夷稍戢桀驁。和議早成。不料二十二日。該夷撲犯圍庭。焚燒

殿宇。將陳設器物搶掠一空。悖逆情形。痛心切齒。決裂至此。本難與之議撫。惟有力圖勦洗。以抒義憤。而雪國讎。茲於二十六日。臣等接據喫佛兩夷照會。所有把守城門一節。擇定安定門為便。於二十九日午刻。各軍調派弁兵前往駐守等語。復經臣等給與該夷照會。令其商定守門章程。照覆後再定辦法。原以藉此羈縻。取有該夷照覆憑據。雖

將來委曲議撫。尚有把握。不致另生枝節。不料城中王大臣。以臣等不在城。議撫未及商妥。欲允該夷於二十九日午刻開城。並於臣等照會未允之語。作為已允。經臣等行文巡防大臣等。詢以該夷把守城門各節。是否可以允准。事關重大。非臣所能獨自主持。必須共同商定去後。茲據巡防大臣等。以該夷把守城門兵數日期。商之留京守城王大臣等。以為可行。均無異詞。咨復前來。並據侍郎成琦。武備院卿恆祺。副都統連成等。先後來橋。均欲請臣入城。與該夷見面換約。是該王大臣等。於京城守禦事宜。毫不講求。但以城不可守為詞。勝保來橋。面述進城代為布置。

及守城各員畏蕙情形。焦急尤深。該夷包藏禍心。其欲把守城門。先築礮臺。未始非以京城堅固。一時驟難施明攻暗襲之舉。但城中守禦之人若此。儻驟與之決裂。該夷勢必立刻攻城。則城內不待攻而自散。城外之兵。除僧格林沁。瑞麟兩軍潰去十之七八。勉強招集。其勢萬難再用。勝保所帶現到之山東陝西官兵。雖稱生力。亦僅祇六千五百餘名。為數無多。亦未訓練。勢難進剿。且現仍議和。未便輕動。臣等反復籌維。祇可先行給該夷照覆。並派恆祺再與該夷竭力商議。若能將把守城門留兵駐守各節。或全行刪減。或別無枝節。尚可與之議和換約。俟接到該夷照

覆○再行相機辦理○仍一面嚴催各省未到官兵○兼程赴援○
一俟兵力辱集○統交勝保管帶○儻蒙

恩允○假以事權○再行力圖攻勦○以解京城之急○但據目前情勢○該
夷堅欲進城○而留京各王大臣○以事在危迫○准其開城○必
欲與之換約畫押○臣亦無可如何○惟有冒險進城○與該夷
見面理論○斷不敢顧惜一身○稍存退避○

硃批○蓋印畫押○原定在城外○進城不過換約之一事○此時冒險進
城○雖為顧惜大局○儻該夷不允復出○尚復成何事體○

恭親王等又奏○再前據俄囉斯伊格那提業幅○由通州知
州轉呈照會軍機處來文○並有寄該館喇嘛國禮公文一

件。臣等恐該國或有別意。未便給與國禮收閱。當即劄行該知州。告以現今軍機處。早已隨扈起程。須由驛遞再行轉交。恐回信較遲等語。婉詞致覆。嗣於二十二日。復據該喇嘛。由五城察院投遞呈詞一紙。意欲我處王大臣。備文令該使臣到京。設法辦理等詞。復經咨覆五城。令其備文咨覆該喇嘛。告以現在兩國交兵。各城俱閉。未便令該使臣進京。如果有意為中國不平。亦必在外代為調停。俟兩國之兵退後。即可照常來京云云。茲據五城咨稱。該喇嘛現在必欲中國文書。親自齎往通州。臣等告以答復該喇嘛。現在各路兵勇。雲集城外。恐該國人去。致被阻攔。有傷

和好。今其從緩再商。以免多生枝節。

硃批知道了。

諭軍機大臣等。據恭親王奕訢等奏。請簡派大員。總統軍務。及籌辦撫款情形。各一摺。已批示。恭親王等。蓋印畫押。定在城外。進城。不遵換約之一事。原因撫局未定。不可冒險進城。本日復據義道等。聯銜具奏。夷人入城。現尚安靜。專待辦撫王大臣。親來換約等語。義道等。不候恭親王等。函商。輒即暫開一門。許其入城。雖為保護城池起見。實屬冒昧。然事已至此。若再與決裂。勢必闖城生靈。被其荼毒。此時若在城外畫押。該夷必不肯從。著恭親王等。迅即入城。與該夷將本年所議續約。畫押蓋印。併將

八年天津和約互換。令其退出京城。再商定駐京章程。方為妥善。至所請簡派大員。總統軍務。並飭僧格林沁馳赴古北口之處。昨已有旨。授勝保為欽差大臣。總統各路援兵。聽候恭親王等知照。相機辦理。僧格林沁瑞麟。因節節退紮。不能救護圍庭。已一併革去爵職。均留營督辦軍務。此時撫局未成。未便即令赴口。已諭令其查辦土匪矣。另片奏俄囉斯使臣懇請來京。著文祥即由軍機處給與照會。令其進京。若再以軍機處隨扈出京為詞。恐其直赴行在。不成事體。

又

諭。恭親王等奏。北路空虛。請飭僧格林沁馳赴古北口。督兵設防。

一摺。前有旨諭。知該大臣。備城已破。即帶兵。速赴古北口。布置防守。本日據義道等奏。該夫人入城。尚屬安靜。已諭令恭親王等。迅速進城。換約。此時撫局。尚在未定。該大臣等。自應相機辦理。未便帶兵北來。清河一帶。為古北口要路。聞有敗兵。在彼盤踞。劫掠行人。附近圍明圍地。方均有土匪出沒。若不及早肅清。將來聚集日多。更難撲滅。於餉需文報往來。均有關係。著僧格林沁等。迅即派員。招集潰兵。查拏土匪。疏通道路。是為至要。

西安副都統烏爾都奏。竊等欽奉。

諭旨。於八月二十五日。由熱河帶領西安馬隊官兵起程。二十七日。到口。即日會同該地方文武各員。查勘地勢。相度情形。

即在口內教場安營。查該處四面環山。岔口紛歧。其間捷徑間道。處處可通。惟西南山口。直達密雲。為前途各口總匯之區。實係南北咽喉要道。必須此處安營。方可堵賊北犯。等語。營後即差弁兵沿山各口晝夜巡查。盤詰奸宄。並派馬探前往密雲等處。不時偵聽。仍飭該地方官。一併派兵。擇要設卡巡防。以期有備無虞。昨於上年二十八日。承准軍機大臣字寄。八月二十七日奉

上諭。昨據恭親王等奏報。逆夷於本月二十二日。直犯圓明園。焚燒街市等因。欽此。等語。即行復派弁兵。前往石峽一帶。查看情形。去後。該弁等旋稱。探至石峽密雲懷柔等處。均無僧格林

沁○撥駐陝西馬隊官兵○惟密雲一帶○見有養傷治病官兵○為數亦不甚多○沿途民情照常安靖○商民各安生業○聞得僧格林沁○瑞麟○現在西直門外二里溝地方駐紮等情○查該夷既已恣肆○難保其不抄掠○環拱之區○等自應速放偵探○儘該逆應散分股北犯○等即行帶領官兵迎勦○斷不使逆賊犯越北口○其所調黑龍江官兵○尚不知行抵何處○一俟到口○即行戍留○擇要安插○以厚兵力○

硃批○知道了○總理行營王大臣知道○

乙未○山東巡撫文煜奏○竊茅於八月二十四日○在韓亭防次○接准軍機大臣字寄○八月十八日奉

上諭。該夷直犯京師。勢甚猖獗。朕於八月初八日。舉行秋獮。駐蹕熱河等因。欽此。夷氛逼犯。

京畿。致勞。

聖駕秋獮。恨不立殄。神類。恭請。

回鑾。仰蒙。

諭。調。邊將防務安置。即日起身回省。籌辦兵精。迅即統兵北上。合力進攻。以伸敵愾。同仇之志。查煙臺夷船。現僅存二十隻。餘俱駛往天津。儘該夷敢於尋釁。自應督兵迎剿。今仍遵前奉。

諭旨。咨飭登州鎮道。加意防範。待時而動。並咨青州副都統恩慶。

一體嚴防。等啟行後。防所募勇。無人約束。分遣各歸原募州縣訓練。暫行支給口糧聽調。其海豐防勇一千名。前已派員管帶赴京。至於省垣重地。關繫匪輕。前有匪徒竊謀定期滋事。已經破案。飭拏餘犯訊辦。必須少留兵旅。鎮定人心。已將前次奏明由省撥駐登州兵四百名。移緩就急。暫調回省。以資防守。再

諭旨內。著拏統帶精兵。伏查東省官兵。屢經徵調。所存無多。現分咨各鎮。在於諸營汛內。再酌派一千名。星夜起程北上。惟軍餉器械。數月以來。支用甚多。殊形支絀。現飭軍需局。趕緊籌備齊全。以免遲誤。等已於八月二十五日。由防起程。

回省。由省赴京。啟程日期。容等另摺奏報。

硃批。知道了。

欽差大臣已革科爾沁親王僧格林沁。已革大學士瑞麟奏。竊等
等於九月初一日。承准軍機大臣密寄。八月二十八日奉
上諭。昨據恭親王等奏。該夷擾踞圍庭。撫局不能再議。已諭令極
力挽回。恆祺現在城內。著僧格林沁等。知照恆祺。先行羈縻。吧
爾。勿令再有決裂。聽候恭親王等辦理。海淀一帶。土匪四起。清
河地方。逃兵匪徒。聚集多人。在彼搶擄。以致文報不通。著該大
臣迅速查拏懲辦等因。欽此。查喚佛大隊。屯紮黑寺一帶。經武
備院卿恆祺。疊次前往夷營。設法羈縻。該夷口雖言和。仍

復日增夷兵礮火。其中難免不包藏禍心。經恆祺集向施言。始有三日之約。至二十九日午刻。如不換約。定欲攻城。該夷把守安定門一節。其意甚堅。不遵理駁。二十八日午後。撫局尚未定時。勢已急迫。經城內王大臣。共同商議。令恆祺前往夷營。告知吧嘎。於二十九日午刻。開安定門。使該夷入城。以待換約。不意該夷是日入城之後。搗進礮位數尊。安放城上。雖無騷擾情形。居心實屬叵測。現在恭親王等。於初一日。業已由長新店回至西便門外天宮寺住宿。尚未進城。與該夷會晤。撫局是否可成。尚難豫料。儻該夷再有非理要求。難保不再行決裂。等語。目睛情形。焦

灼萬分。努僧格林沁自海口轉戰至今。屢經挫敗。誤

圖殃民。死有餘辜。儻若夷人有變。努等曷敢不實力兜擊。無如現在軍心渙散。燬火全無。努僧格林沁所統步隊。屢經失挫。潰散十之八九。馬隊除陣亡受傷及潰散者。現在各處分紮。不滿三千。努瑞麟所統之兵。除調赴守城。及撤歸原營。並馬隊潰敗者。現在僅存千餘名。其綿勳伊勒東阿所統之兵。已經全數調入守城。勝保前統之兵。現在所存無幾。至新到山東陝甘之兵。或紮西便門一帶。或紮蘆溝橋以西。查其情形。即使勉強商調。亦恐不足禦敵。此時之勢。夷人已經把守城門。戰守之方。無從設措。惟有仰託

皇上洪福。撫局早成。方為妥善。伏思

聖駕駐驛熱河。北路之防。最關緊要。等前派署通永鎮總兵海
綬。將營城所存礮位。運往古北口。此時諒已可到。現在擬
派外火器營營總穆騰額。已革守備李萬年。趕緊馳往古
北口。將運到礮位。妥為安設。以防該夷北犯。所有海淀清
河一帶。逃兵匪徒。聚集搶擄。現在西凌阿。帶領馬隊。駐紮
清河一帶。等。即咨令該都統。就近查拏。

圓明園一帶。已派

乾清門侍衛薩克慎等。帶領撤回之

圓明園八旗外火器營健銳營馬步官兵。巡邏按捕。以靖地

方。

硃批。撫局能成與否。實難豫料。所奏夷情已悉。至新到之兵。已有旨全數歸勝保統帶矣。

丙申。

欽差大臣恭親王。大學士桂良。戶部左侍郎文祥奏。竊臣等於八月二十九日。將夷人擇定安定門把守。並稱午刻進城各情形。業經由六百里縷晰馳奏在案。查夷人前來照會。欲於二十九日。帶兵進城。把守安定門。臣等照覆該酋。令其將把守之法。明定章程。再行辦理。並飭恆祺。前赴夷營。剴切阻止。旋據城中王大臣來文。聲稱。二十九日。已將安定

門暫開。夷兵數百名均已入城。尚無滋擾。連日遣人探詢。該夷間有三五成羣。遊行街市。亦不滋事。惟將安定門派夷兵把守。並屯紮夷兵於城上。東西各里許。所有原派城守安定德勝兩門之官員兵丁。均自行撤退。臣等伏思京城立四方之極。周圍四十餘里。既高且固。該夷以數千遠來之衆。豈能遽行圍城。城中王大臣各有專責。自應豫為布置。嚴密防守。不料怵於夷人恫疑虛喝。聲言攻城。即開門納敵。在逆夷未折一矢。已安然入城。其將來驕恣要挾。何所底止。臣等於昨日。接據城中王大臣等疊次來文信函。仍請臣奕訢即日進城。俾得及早換約。夫臣等忍氣吞

聲委曲以議撫者。原為保全京城。以顧大局耳。設夷人尚
未入城。臣等辦理撫議。尚不至動輒為人所制。現在夷兵
業已進城。則辦理益無把握。况噸首尚在城外。即使臣等
入城。亦無從與之會晤。在城內諸臣。不過以危詞相迫。冀
臣等入城後。即可諉過卸責。置身事外。殊不知臣等因撫
事之焦急。更甚於城內諸臣。此時藩籬已破。設有決裂。既
無以為卻敵之方。若再有意外要挾。臣等更何以自處。臣
奏。訴。義。則。

君臣情則骨肉。苟能一死而安大局。亦復何所顧惜。惟撫議尚無
就緒。而腥羶已滿。

都城觀

園庭之被毀。修葺為難。念

行在之苦寒。迎

鑿莫遂。此所以傍徨中夜。泣下沾襟。現仍飭恆祺等。將條約退兵各層。設法挽回。但使別無枝節。即行蓋印畫押換約。以期保全大局而慰

宸懷。臣等現因蘆溝橋相距較遠。聲息不甚相通。已於初一日午間。移紮西便門外之天甯寺。以冀就近籌辦。且勝保現統直陝等省官兵。已有六七千名。紮營在此。藉可聯絡聲勢。本日城內王大臣來見。詢以如何換約退夷之策。亦皆全

無把握。臣等再四思維。是撫局已成不可必之數。而議撫仍有不容已之情。祇好竭盡心力。以圖補救於萬一。

恭親王等又奏。再據留京巡防王大臣等面稱。前任倉場侍郎崇綸。曾與夷人會晤。情形尚為熟悉。現在武備院卿恆祺。以辦理議撫事宜。必須有幫辦之員。方可無誤。請飭崇綸幫同辦理。並據該王大臣等稱。已將崇綸調赴巡防處。辦理防守事宜。業經具奏在案。各等情。臣等因即劄飭該侍郎。幫同恆祺。辦理換約事宜。

硃批知道了。

恭親王等又奏。再夷人於進城後。臣等恐撫議決裂。飭令

恆祺將換約各事宜。與該夷面晤商定。惟額酋尚在城外。並無何日換約之語。深慮該夷久在城內。滋生事端。因於初二日。給與喚佛兩夷照會。問以何日進城換約。以免別生枝節。謹將給與照會鈔錄。恭呈

御覽。

硃批。知道了。

恭親王等又奏。再前派佐領定安防禦連喜。齎送和約用寶。嗣因日久未到。正深馳系間。接據定安等稟稱。已回抵昌平州。因道路梗阻。未敢前進。臣等現派馬隊三十名。前往昌平州接獲前來。不日即可齎到。俟和議能否有成。再行相機

辦理。

硃批。知道了。

諭軍機大臣等。昨因夷人業已入城。諭令恭親王等。迅即進城。與該夷畫押蓋印。互換和約。諒已接奉諭旨。本日據恭親王奕訢等奏。夷人把守安定門。並於城上屯紮夷兵。雖目下僅止游行街市。尚不滋事。日久恐未必相安。現在恭親王等。已給與該夷照會。并添派崇綸。與恆祺協同辦理。著即飭令將退兵各層。迅速定議。俟該夷首進城。即行前往畫押換約。保全大局。毋再耽延。致生枝節。此時天氣尚未嚴寒。該夷如能早退。朕即可回鑾。以定人心。再俄使伊格那提業。幅進京後。如欲從中說合。不必

拒絕僅有可乘之機。恭親王等相機辦理可也。

戶部右侍郎寶璽奏。八月二十五日。夷匪退回。等委員前往查探。業將

圓明園被焚情形。先行奏

聞。茲於二十八日。據

清漪園郎中文明稟稱。八月二十二日。該員挑挖引河在廣源間。見有官兵南退。於是日酉刻。趕緊回園。傳知值班官役等妥為看守。二十三日。夷人二百餘名。並土匪不計其數。闖入

清漪園東宮門。將各殿陳設搶掠。大件多有傷損。小件盡行

搶去。並本處印信一併遺失。二十四日夷人陸續闖入靜明園宮門。將各殿陳設搶掠。大件傷損。小件多經搶去。其靜宜園。夷人並未前往。各殿陳設照舊封鎖。此三園大概情形。先行具稟。俟將失去陳設清查後。再行稟聞。正清查間。二十七日接大學士瑞麟劄文。轉傳。

圓明園八旗健銳營外火器營兵弁。即赴

圓明園。及三山一帶。嚴密防守。拏拿土匪。惟

清漪園員外郎泰清。於二十三日。全家自焚殉難等因。具稟前來。奪現在城內籌辦一切。正在喫緊之際。勢難分身前往查看。萬分焦灼。惟有飭該員多撥人役。妥為看守。並將

遺失陳設。趕緊查明。呈覆另行具奏。查郎中文明。雖因倉猝被搶。力未能禦。究屬咎有應得。相應請

旨。將該園郎中文明。交部議處。至

清漪園印鑰。於八月初八日

皇上啟鑒時。經芽等具奏。遞交文豐佩帶。現在文豐殉難。此件印

鑰。並未自備。及此。尤屬可惜。
鑰。尚未查出。下落。謹此一併奏

聞。

硃批。文明著革職留任。賈馨只知顧一己之命。前於御園被毀。既不前往。今於專管之三山。亦被搶掠。又不前往。不知具何肺腸。實我滿洲中之棄物也。姑念其城內尚有照料宮庭事件。著暫

免正法。撤去巡防。降為五品頂帶。一切差使暫行開缺。以觀後效。

署陝西巡撫譚廷襄奏。竊臣於本年八月二十。二十五兩日。承准。

欽差大臣和碩恭親王。劉開本月初八日。

皇上秋獵啟

鑒奉

命辦理撫夷事務。仍令

欽差大臣科爾沁親王。僧格林沁等。催調援兵。相機籌辦。除經奉旨調派各軍未經起程者。速催前進外。如尚有精銳之師。可以派

檄。無論馬步官兵。鄉團義勇。立即星馳來京。聽候統兵大臣調遣等因。臣接奉之下。萬分焦切。伏思陝西營伍。頻年徵調。存兵本已無多。前於七月奉

旨。飭調滿營馬隊。綠營步兵。四千五百名。旋復奉

旨。飭令添調。多多益善。復將備防潼高之河州鎮兵七百名。改派前往。並咨西安將軍添調馬隊八百名。陝西提標添調步隊五百名。連前統共馬隊六千五百名。均經陸續催提。先後恭摺奏報。現已全數出境。嗣陝甘總督臣樂斌。因京回任。在西安途次。欽奉

上諭。復又添調陝西提鎮各標兵一千名。並添調甘肅及甯夏涼

州。莊浪。滿綠各營官兵二千名赴直。現在陝西提鎮兵一
千名。內有六百名到省。飭令副將文順等。趨緊督帶先行。
其未到之河州。延綏。二鎮兵四百名。並甘肅滿綠各營兵
二千名。節經派弁持令。並行文催提。酌計抵陝。尚需時日。
現值

京師需兵緊要。如何設法再調。自應趕緊籌商。惟查陝西界
連蜀豫。蜀省賊氛尚熾。逼近川北川東一帶。與漢中府壤
地相接。亟須設防。臣現已將四川撤回官兵。先行留駐甯
羌。如果緊急。再由附近的撥數百名。以固西南門戶。務檢
近已竄至汝甯一帶。聞有欲赴賧旗店老河口之說。該處

路過商維前留防兵八百餘名。不敷分撥。續經飭調陝安兵三百名前往協防。省垣存兵僅千餘名。無可再調。不得已。議令通省文職捐攤口糧。練勇三千。以備守禦。甫經辦理。尚未就緒。至奉

旨飭臣督辦團練。各屬業已舉行。第陝民皆係未經行陣之人。僅能聯絡聲勢。彈壓土匪。礙難徵調出境。是義勇鄉團皆不可用。其鎮協各標漸已空虛。實屬不便再調。復思此次派撥陝甘各兵共九千五百名之多。除已出境過省七千餘名外。尚有陝甘滿綠各營未到兵二千四百名。現又行文加緊催提。一俟到陝。臣即督飭藩司籌備裹帶。應需糧餉。

飭令尅日前進。不准稍事稽延。以衛

京師而紓

聖慮。

硃批知道了。

著黑龍江將軍特普欽齊齊哈爾副都統那敦德奏。等
承准軍機大臣字寄。八月十四日奉

上諭。本日據特普欽等奏。挑選餘丁。分為兩起。前赴通州一摺。等
因。欽此。等語。伏查前項餘丁。豫定起程日期。於八月初一
日先行奏

聞後。隨由察哈爾城。並飛飭墨爾根城布特哈呼倫貝爾胡蘭等

五城。均勻酌派。先後挑選二千名。配帶軍火槍箭器械。分為八起。每起餘丁二百五十名。共派委營總八員。委參領防禦驍騎校各四十員。隨辦營務文件甲兵三名。前四起統歸副都統銜總管珠爾格訥管帶。後四起統歸總管三都克多爾濟管帶。自八月初七日起。至二十一日。全數由省起程。陸續出境。茲奉

諭旨。自應飛催趕赴熱河。毋庸進關。以期迅速。惟覈計行期。前起餘丁一千名。計已行抵

盛京西路。距山海關切近。隨即飛飭管帶各員。迅即取道趕赴熱河。其後起餘丁一千名。現亦陸續出境。行抵

盛京屬界法庫邊門一帶。本係由蒙古早地行走。若再令折回。轉覺還遠。往返更需時日。必致欲速反遲。隨亦飭令由法庫就近取道。迅速前進。並飛咨

盛京直隸等省。暨各該蒙古地方。飭令一體協濟馬匹等項。並飛飭統帶營總等官。沿途行走。務須紀律嚴明。趕緊催趲前進。迅赴熱河。以資護衛。毋得稍有遲滯。並繕委銜名單。恭呈

御覽。

硃批。知道了。總理行營王大臣知道。單併發。

善解夷務始末卷之六十五

夷情事類卷五

五